

1 Jon

Bänep iron kädet kowata kowata tänpəŋ kuŋatta manbiŋam

Manbiŋam Irit ikek u kwawak ahəŋkuk

1 ^{1 a} Manbiŋam, irit kehəromi nitek unitəŋo mebərini yəŋahək təkaməŋ. Manbiŋam u imaka u ba u nämo ahəŋirä itkuk. Manbiŋam unitä man yəŋirän nadəŋkuməŋ. U kuŋarirän dapunintä kaŋkuməŋ. Ba ketnintä imaka, iŋitpəŋ-nadəŋkuməŋ. ^{2 b} Irit kehəromi təŋo məhemi u kwawak ahəŋirän kaŋkuməŋo u yəŋahək təkaməŋ. U Anutu Nankät itkumənopəŋ ahəŋ nimiŋkuko unitəŋo mani biŋam təwet təkaməŋ. ³ Täŋpəkaŋ nin Anutu Nan ba iniken Nanaki Jesu Kristo ukät bənep kubəgän terak it təkaməŋ unita in nin yəpurərätkaŋ bok udegän kaŋ itna yəŋpəŋ mani biŋam təwet təkaməŋ. Imaka dapunintä kaŋkuməŋ ba jukunintä nadəŋkuməŋo upəŋ yəŋahəŋpəŋ təwet təkaməŋ. ^{4 c} Bureni-inik, bənep oret-oretnin tokŋek-inik pat nimitak u inken udegän tokŋek-inik pat tamiton yəŋpəŋ mani biŋam ŋo kudän tänpəŋ tamikaməŋ.

Peŋyəŋek-kengän kuŋat təkəna

^{5 d} Jesutä manbiŋam yəŋahəŋirän nadəŋkuməŋo u təwet ahəkaməŋ. Uwä ŋode; Anutu uwä peŋyəŋek. Uken bipməŋ urani kubä nämoinik itak. ^{6 e} Unita nin Anutu-kät bənep kubəgän tänpəŋ kuŋat təkaməŋ yəŋ yəŋkaŋ bipməŋ urani gənaŋ pen kuŋatnero uwä, mannin u bureni nämo, jopman yəne. Täŋkaŋ kädet bureni nämo iwatne. ^{7 f} Täŋpəkaŋ Anutu u peŋyəŋek unita nin peŋyəŋek-ken kuŋatpəŋä, äbot täŋpani notniyekät nin bəmopnin-ken bənep kubəgän irit ahəŋpəŋ pat täyak. Ude kuŋaritna

^a 1:1 Jon 1:1-2,4, 1Jo 2:13-14 ^b 1:2 Jon 1:14 ^c 1:4 Jon 16:24 ^d 1:5 1Ti 6:16; Jem 1:17
^e 1:6 1Jo 2:4 ^f 1:7 Jon 3:21; Ais 2:5; Hib 9:14; Rev 1:5, 7:14

Anutu nanaki Jesu, unitäño nägäritä mominin kudup ärut-paktañ nimik täyak.

⁸ Tãñpäkañ äma kubätä momi nämo täk täyat yãñ yãweko uwä man bureni äma uken nämoinik parirän bãnepi jop yãñ-ikñarek. ⁹ Upãñkañ mominin Anutu iñamiken yãñhãnawä Anututä iniken yãñkehãromtak mani u iwatpãñ kãdet siwoñi ñode tãñ nimek; U mominin peñ nimipãñ momi tãño garok bãnepnin-ken pãtak u ärut-paktañ nimek. ¹⁰ Tãñpäkañ nin momi nämo tãñpani yãñ yãñpãñä Anutu u jopman yãwani yãñ yãne. Ba Anutu tãño man siwoñi nin bãnepnin-ken nämoinik irek.

2 ^{1h} Äpetnaye nanaknaye, intä momi nämo täneñta manbiñam ño kudãñ tãñ tamitat. Tãñ, in momi tãñpãñä ñode nadãneñ; Äma kubä Anutu iñamiken nin gãrak it täyak. Uwä äma siwoñi-inik, Jesu Kristo. ²ⁱ Tãñpãñ Kristo ini kumbuko uterak Anututä mominin peñ nimik täyak. Tãñpäkañ nintãñogãñ nämo, Jesu u komen äma kuduptagãñ tãño momi täga ärutpak täwek.

Anututa nadãñpãñä jide kuñaren?

³ Nin Anutu tãño бага man nadãñpãñ buraminero uwä, eruk nininta ñode täga nadãne; Bureni, nin Anututa nadãkamãñ yãñ täga nadãne. ^{4j} Tãñpäkañ, äma kubätä Näk Anututa nadãtat yãñ yãñkañ unitãño man kãdet siwoñi nämo iwareko uwä man bureni bãnepi-ken nämo parirän jopman yãwek. ⁵⁻⁶ Tãñ, äma ehutpãñ Anutu tãño man kãdet siwoñi iwat tãkañ unita ñode täga yãne; Äma u Anututa gãripi bureni-inik nadãk tãkañ. Tãñpäkañ äma kubätä näk Anutu-kãt kuñat tãkamãk yãñ yãweko uwä Kristotä kãdet täga u ba u täk tãñkuko udegãñ tãñpek. Unita nin udegãñ tãñpãñä nin kubãkubätä ñode täga nadãne; Bureni, näk Anutu-kãt kuñat tãkamãk yãñ nadãne.

^{7k} Nanaknaye, man kãdet kodakipãñ nämo täwetat. Nãmoinik, uwä biñam bian nadãñkuño u ba бага man pengãñ nadãñkuño upãñ täwetat. ^{8l} Bureni, man kãdet u biani upãñkañ kodaki. Unitãño bureni Jesu tãño irit kuñat-kuñariken kwawak ahãñirãñ kañkuñ ba in tãño irit kuñat-kuñatjinken udegãñ unitãño bureni kwawak ahãtak. Bureni-inik, peñyãñek burenitä äbãñpãñ bipmãñ urani iwat kirewayãñ täyak.

^{9m} Tãñpäkañ äma kubätä Näk peñyãñek gãnañ kuñat täyat yãñ yãñkañ noripak kubäta kokwawak nadãñpãñ kuñat täyak u bipmãñ urani-ken pen itak. ¹⁰ⁿ Tãñ, äma noriye nadãñ yãmikinik tãñpãñ bãnep iron kãdet iwat tãkañ uwä Anutu tãño peñyãñek gãnañ kuñat tãkañ. Ude kuñarirã imaka kubätä tãñpewãñ goret kubä täga nämo täneñ. ^{11o} Tãñpäkañ äma

⁸ 1:8 Sam 32:5; Snd 28:13 ^h 2:1 Hib 7:25, 9:24 ⁱ 2:2 Jon 1:29, 11:52; Kol 1:20, 1Jo 4:10,14

^j 2:4 1Jo 1:6,8 ^k 2:7 2Jo 5-6, 1Jo 2:24, 3:11 ^l 2:8 Jon 13:34; Rom 13:12; Jon 1:9

^m 2:9 1Jo 3:10,15, 1Jo 4:20 ⁿ 2:10 Jon 11:9; Rom 14:13 ^o 2:11 Jon 11:10, 12:35

noriyeta kokwawak nadäj yäpmäj kuḡat täkaḡ uwä bipmäj urani gänaḡ itkaḡ. Äma udewani uwä bipmäj urani gänaḡ itkaḡ dapuri itpipiḡpewän kadet upäj kuyat yäj nämo nadäwän tumäk täkaḡ.

12 ^p Unita nanaknaye, Kristo täḡo kumäk-kumäki terak Anututä momijin peḡ tamijḡkuko unita man kudän ḡo täḡ tamitat.

13 ^q Täḡpäḡ nanaye, in äma bian yäput peḡpäḡ itkukotä itak u nadän imikinik täk täkaḡ unita man ḡo kudän täḡpäḡ tamitat.

Ba ämawebe gubaḡnaye, in Äma Wakikät ämik täḡpäḡ kehäromini yäpmäj äpuḡo unita man ḡo kudän täḡpäḡ tamitat.

Täḡpäḡ nanaknaye, in Nanta nadäkaḡ unita man ḡo kudän täḡpäḡ tamitat.

14 Ba nanaye, in äma bian yäput peḡpäḡ itkukotä itak unita nadäkinik täk täkaḡ unita man ḡo kudän täḡpäḡ tamitat.

E, ämawebe gubaḡnaye, in Anutu täḡo man bänepjin-ken itinik täyak unita kehäromijin nitek itkaḡ. Kehäromijin nikektä Satan täḡo kehäromini yäpmäj äpuḡo unita man ḡo kudän täḡpäḡ tamitat.

Nin kome täḡo gärip nämo iwatne

15 ^r In imaka imakata kome ämawebetä gäripin nadäk täkaḡ udegän nämo nadäneḡ. Ba gäripjin kome täḡo tuḡum mebäri mebäri uterakgän nämo penēḡ. Täḡkaḡ äma kubätä kome täḡo irit kuḡat-kuḡat ba tuḡum unita gäripin nadäḡpeḡ kuḡareko uwä äma unita ḡode nadäne; U Anututa gäripin nämo nadäk täyak. 16 ^s Täḡpäkaḡ kome täḡo tuḡum uwä ḡode; Bänep biani täḡo nadäj gärip, yabängärip ba nininta nadäna ärowani täktäk. Imaka kuduḡtagän u kome täḡo biḡam, Anutu Nanken nanik nämo. 17 ^t In nadäkaḡ? Kome ini ba kome täḡo tuḡum u kudup paot-inik api täneḡ. Upäḡkaḡ ämawebe Anutu täḡo gärip iwat täkaḡ uwä kadäni käronḡ, tärek-täreki nämo, pen api it yäpmäj äroneḡ.

Kristo täḡo iwan mäde ut yämine

18 ^u Nanaknaye, kadäni pähap keräp täyak! Kadäni u keräp taḡirän Kristo täḡo Iwan pähap api ahäwek yäj nadäḡkuḡ. Eruk, mäyap ahäḡkuḡo itkaḡ unita kadäni keräp täyak yäj nadäk täkamäj. 19 ^v Täḡpäkaḡ iwan uwä äbot täḡpani nin bämopnin-ken itkuḡopäj nibä kätäḡpeḡ kuḡkuḡ. Nibä kätäḡpeḡ kuḡkuḡo unita ḡode nadäkamäj; Uwä

^p 2:12 1Ko 6:11 ^q 2:13 1Jo 1:1 ^r 2:15 Rom 8:7 ^s 2:16 Rom 13:14; Jem 4:16, 1Pi 2:11
^t 2:17 Mat 7:21, 1Ko 7:31 ^u 2:18 1Pi 4:7; Mat 24:5,24, 2Jo 7 ^v 2:19 Apos 20:30, 1Ko 11:19

ninkät nanik nämo. Ninkät nanik bureni-inik tänpän yävänäku, äma uwä ninkät pen itkäne. Upänkaŋ kuŋkuŋo unita ŋode niwoŋärek täkaŋ; U ninkät nanik nämo.

²⁰ W Tänpäkaŋ iron, Kudupi Ämatä tamiŋkuko u inken itak unita in kudup man bureni nadäk täkaŋ. ²¹ Manbiŋam ŋowä man bureni täŋo mebäri täwetpän täwoŋärekta nämo kudän täŋ tamitat. Nämo, in man bureni nadäwä tärewäpän man burenitä jopman nämo pewän ahäk täkaŋ yän nadäk täkaŋ. ²² x Eruk, jop manman yäwani u netä? Jop manman yäwani uwä man ŋode yäk täkaŋ; Jesu u äma Anututä bian iwoyänkuko wäpi Kristo u nämo yän yäk täkaŋ. Äma man ude yäwani uwä Anutu ba Jesu Kristota mäde ut yämik täkaŋ. U Kristo täŋo iwan ubayän. ²³ y Bureni-inik! Äma Nanakita mäde ut imik täkaŋ uwä Nani Anututa udegän täk täkaŋ. Täŋ, äma Nanakita nadäkinik täk täkaŋ uwä Nani Anututa udegän nadäk täkaŋ.

²⁴ Unita man bian nadänkuŋo u pen iyap taŋpän iŋit täkot. In man bian nadänkuŋo ugän iwaräwä kadäni kadäni Anutu Nanak ba Nan inkät kentänpän api kuŋatneŋ. ²⁵ z Tänpäkaŋ Kristotä imaka nimikta yänkehäromtak man yänkuko uwä ŋode; Irit kehäromi api tamet yän yänkuk.

²⁶ Notnaye, äma ätutä in bänep nadäk-nadäkjin putärekta jopman täwet täkaŋ unita manbiŋam ŋo kudän tänpän tamitat. ²⁷ a Ude täŋ tamik täkaŋ upänkaŋ Kristotä in Munapikpän piŋ tabatkuk. Piŋ tabatkuko uwä inken pen irirän in nadäk-nadäk tägata nämo wäyäkŋek täkaŋ. Nämo, Munapiktä ini imaka kudup täwetpän täwoŋärek täyak. Tänpän man täwetpän täwoŋärek täyak uwä jopi kubä nämo, bureniŋän. Unita Munapiktä täwetpän täwoŋärek täyak udegän in Kristo-kät kentänpän kuŋat täkot.

Anutu täŋo nanakiye bureni

²⁸ b Unita nanaknaye, äneŋi täwera nadäwut; In Kristo-kät kentänpän kuŋat täkot. Udegän täŋ yäpmän kuŋtängän Kristo kwawak ahäwayän täyak-ken uken nin umun nämo api täne. Nämo inik, nin iŋamiken mäyäk ba nadäwätäk kubä nämo api täne. ²⁹ c Tänpäkaŋ in ŋode nadäk täkaŋ; Kristo u siwoŋi-inik. Ude nadäk täkaŋ unita ŋode imaka nadäk täkaŋ; Ämawebe mani buramiŋpän siwoŋi kuŋat täkaŋ uwä Anututä bäyaŋ yepmaŋpani.

3 ¹ d Wisiknin! Nantä ninta nadän nimiŋkuko u inide kubä! U nadän nimikinik tänpän wäpnin Nanaknaye yän niwerani. Bureni-inik, nin

^w 2:20 1Ko 2:15, 1Jo 2:27 ^x 2:22 1Jo 4:3, 2Jo 7 ^y 2:23 Jon 5:23, 15:23, 1Jo 4:15, 5:1, 2Jo 9 ^z 2:25 Jon 3:15, 6:40 ^a 2:27 Jon 16:13 ^b 2:28 1Jo 3:2, 4:17 ^c 2:29 1Jo 3:7,10
^d 3:1 Jon 1:12-13; Jon 16:3

unitäño nanakiye-inik itkamäj. Upäjkañ komen ämatä Anututa nämo nadäk täkañ unita ninta udegän nämo nadäwä tarek täkañ. ^{2 e} Notnaye, nin apiño Anutu täño ironjiniye bureni itkamäj upäjkañ kämiwä jide api äworeñpäñ itne yäj ket nämo nadäk täkamäj. Upäjkañ ñode nadäk täkamäj; Kristotä kwawak ahäwayäj täko uken nin ini bumik api äworene. Bureni-inik, kadäni uken Jesu u jidewanipäj kwawakinik api kañpäñ nadäne. ³ Täñpäñ ämawebe Kristota itsämäk täkañ uwä, kädet wakiwaki täño garok mäde ut imiñpäñ pakigän kuñat täkañ, Kristotä paki, kuräki-inik it täyak ude.

⁴ Ämawebe momi täk täkañ uwä, Anututa ärowani täñ imik täkañ. Bureni, momi täktäktä Anutu täño бага man irepmit täyak. Ba ñode imaka nadäk täkañ; Kristo u mominin ärut täñpä kukta äpuk. ^{5 f} Täñpäkañ Kristo ini, momi kubä nämo. ^{6 g} Unita ämawebe Kristo-kät kentäñpäñ kuñat täkañ uwä momi täño kädet gwäk pimiñpäñ nämo iwat täkañ. Äma kubätä gwäk pimiñpäñ momi täkgän täkgän täñpayäj täko unita ñode yäne; U Kristo nämo kak täyak ba unita nämo nadäk täyak yäj nadäne.

^{7 h} Unita nanaknaye, äma kubätä yäj-täkñatpäñ kädet goret kubä terak tämagureko unita watä ket itneñ. Kristo u siwoñi-inik, unita Kristo ude kañ itnayäj nadäñpäñjä kädet siwoñigän iwatneñ. ^{8 i} Täñpäkañ yäpüt peñpäñ äma waki Satantä momi täñkukotä pen täñ yäpmäj äbatak. Unita äma gwäk pimiñpäñ momi täk täkañ uwä Satan täño nägät moräk. Upäjkañ Anutu täño nanaki u mebäri ñodeta äpuk; Satantä epän waki täk täyak u peñ awähutta äpuk.

^{9 j} Täñpäkañ Anutu täño nanakiye bureni uwä momi täkgän täkgän nämo täk täkañ. Nämoinik, Anututä iniken mebäri äma udewani bänepi-ken pewän ahäjirän Anutu täño nanakiye bureni ahäjkuño unita momi kädet täga nämo iwatneñ. ¹⁰ Unita äma netätä Anutu täño nanakiye bureni ude itkañ ba netätä Satan täño nanakiye ude itkañ yäj nadäna yäjpäñ ñode yabäjñpäñ-nadäneñ; Äma kädet siwoñi nämo iwat täkañ uwä Anututa biñam nämo. Ba äma äbot täñpani ätuta iron kädet nämo täñ yämik täkañ uwä Anutu täño nanakiye nämo.

Iron kädet bureni täño man

^{11 k} Manbiñam bian-inik nadäjkuño uwä ñode; Nin iron kowata kowata täne. ^{12 l} Ude täñkañ Ken täño kädet nämo iwatne. Ken uwä äma wakita biñam itpäñ iniken noripaki-inik kumäj-kumäj utkuk. Kentä noripaki mebäri imata utkuk? Uwä ñode; Ken u täktäki waki. Täñpäkañ noripaki täño täktäki uwä siwoñi.

^e 3:2 2Ko 3:18; Plp 3:21 ^f 3:5 2Ko 5:21, 1Pi 2:22-24, 1Jo 2:2 ^g 3:6 Rom 6:1-2,14, 1Jo 3:9
^h 3:7 1Jo 2:29 ⁱ 3:8 Jon 8:44 ^j 3:9 1Jo 5:18 ^k 3:11 Jon 13:34 ^l 3:12 Stt 4:8

13^m Unita notnaye, komen ämatä iwan täñ tamiñirä nadäwätäk täñpäñ nämo kikiñutneñ. Imata, u iron kädet nämo iwat täkañ unita. 14ⁿ Upänkañ nin äbot täñpani notniye nadäñ yämikinik täk takamäj unita bureni ñode nadäk takamäj; Nin kumäj-kumäj kädet irepmiñpäñ iritta biñam takamäj. Täñpäkañ äma iron kädet nämo iwat täkañ uwä kumäkta biñam pen itkañ. 15^o Bureni-inik! Äma noripakta kokwawak täñpeñ kuñat täkañ uwä Anutu iñamiken äma kumäj-kumäj däpani ude it täkañ. Täñpäñ äma udewanita ñode nadäkamäj; Äma kumäj-kumäj däpmäk täkañ uwä irit kehäromita biñam nämo.

16^p Iron kädet bureni uwä ñode kañpäñ nadäk takamäj; Kristotä ninta yänpäñ komi nadäkta nadäwätäk nämo täñpäñ iniken gupi iniñ kireñjuk. Ude täñ nimiñkuko unita nin udegän äbot täñpani notniyeta yänpäñ gupnin iniñ kirekta nämo bitnäne. 17^q Unita äma tuñum ikektä äbot täñpani noripaki kubä imaka u ba unita wäyäkñeñirän kañkañ butewaki nadäñpäñ nämo täñkentäj imeko uwä jide täñpäñ bänep iron Anutu-ken nanik bänepna-ken itak yäj nadäwek? 18^r Unita nanaknaye, nin notniyeta nadäkinik takamäj yäj menin-tägän jop nämo yäne. Nämo inik, nin bureni-inik nadäñ yämiñpäñ iron bureni u kwawak pena ahäneñ.

19^s Ude täñkañ nininta ñode täga nadäne; Nin man bureni-iniktä bäyan niñmañpani yäj nadäne. Ude nadänkañ Anutu iñamiken täñumun-umun terak nämo kuñatne. Nämo inik, bänepnintä bätakigän itpäñ Anutu iñamiken säkgämän kuñatne. 20^t Unita bänepnin kubäkubätä Anutu iñamiken goret täyan yäj niweräwä ñode nadäne; Anutu imaka kudup nadäwän tärewani unitä bänepnin täño nadäk-nadäk nadäwän tärek täkañ.

21^u Täñpäkañ bänepnin kubäkubätä goret täyan yäj nämo niweräwä Anutu iñamiken nadäwätäk ikek nämo, täga kuñatne. 22^v Ude täñkañ mani buramiñpäñ gäripini iwat takamäj unita imaka kubäta yänapiñitna nadäñ nimik täyak. 23^w Täñpäñ man miñi niwet täyak uwä ñode; Nanaki Jesu Kristo unita nadäñ imikinik täñpäñ iron kowata kowata täneñ, peñ niwetkuko udegän. 24^x Täñpäkañ ämawebe mani buramik täkañ uwä Anutu-kät kowat kwasikorän täñpäñ kuñat täkañ. Täñkañ nin udegän täñitna Munapik Anututä peñ nimiñkuko unitä ñode niwoñärek täyak; Anutu ninkät kentäñpäñ itkamäj.

Profet jopi-jopita watä ket itneñ

4 1^w Notnaye, äma ätutä Anutu wäpi terak man u ba u yänahäñpäñ täwet täkañ u bäräñeñ bureni yäj nämo nadäneñ. Nämo inik, man

^m 3:13 Mat 5:11-12; Jon 5:18-19 ⁿ 3:14 Jon 5:24, 1Jo 2:11; Mat 5:21-22 ^o 3:15 Rev 21:8
^p 3:16 Jon 13:1; Gal 1:4, 1Te 2:8 ^q 3:17 Lo 15:7 ^r 3:18 Jem 2:15-16 ^s 3:21 Hib 4:16
^t 3:22 Mat 21:22 ^u 3:23 Jon 6:29, 13:34 ^v 3:24 Rom 8:9, 1Jo 4:13 ^w 4:1 Mat 7:15, 1Jo 2:18, 2Jo 7, 1Te 5:21

u Anutu-ken nanik ba kubäken nanik yäj nadäkta ket yäjpäñ-nadänej. Nadäkañ? Apiño, profet jopi-jopi komeni komeni kudup it morekañ. Unita man bureni ba man jopi niwetkañ yäj ket nadäna yäjpäñjä ñode nadänej; ^{2x} Äma ätutä man bureni ñode yäk täkañ; Jesu Kristo, Anututä ämawebeniye täñkentäj yämikta bian iwoyäjnkuko u äma äworeñpäñ kome terak kuñatkuk. Eruk, äma man ude yäjahäk täkañ uwä Anutu-ken nanik, Anutu täño Munapik ikek yäj nadänej. ^{3y} Täñ, äma Jesuta ude nämo yäk täkañ uwä Anutu-ken nanik nämo, Munapik bureni ikek nämo. Nämoinek, äma udewanitä man yäjahäk täkañ uwä Kristo täño Iwan unitäño nadäknadäki ugänpäj yäjahäk täkañ. Täñpäkañ Kristo täño Iwan u api ahänej yäj mani biñam bian nadäjkuño uwä kome terak ño uku ahäjkuño itkañ.

^{4z} Nanaknaye, in Anututa biñam täñpäñ bänepjin täñkehärom täñpäñ profet jopi-jopi u nämo nadäj yämiñpäñ yärepmitpäñ itkañ. Imata, Munapik inken itak unitäño kehärominitä kome äma täño mähemi, äma waki unitäño kehäromini irepmitak. ^{5a} Täñpäkañ profet jopi-jopi uwä kometa biñam unita mani uwä kome terakta biñamgän. Mebäri unita kome ämatä juku peñpäñ mani nadäk täkañ. ^{6b} Upäñkañ ninäwä Anutu-ken nanik unita ämawebe Anututa nadäkinik täk täkañ uwä mannin nadäj nimik täkañ. Täñ, äma Anututa biñam nämo itkañ uwä mannin nämo nadäj nimik täkañ. Mebäri uterak äma man niwetta äbäk täkañ unitäño bänep nadäknadäki täga yäpmäj danine. Äma udewanitä nintäño man nadäj nimineño uwä man bureni yäjahäwani yäj nadäne. Täñ, nintäño man nämo nadäj nimineño uwä man jop manman yäwani yäj nadäne.

Iron kädet bureni u Anutu-ken nanik

^{7c} Notnaye, bänep iron kädet bureni-inik u Anutu-ken nanik unita äbot täñpani ämawebe in bänep iron kowata kowata täñpeñ kuñatneñ. Ämawebe bänep iron kädet bureni iwat täkañ uwä Anututä bäyañ yepmañpani ba Anutu täño mebäri nadäkañ. ^{8d} Anutu ini bänep iron mähemi unita ñode nadäne; Äma bänep ironi nämo uwä Anututa bureni nämo nadäkañ. ^{9e} Täñpäkañ Anututä bänep ironi kwawak niwoñärenkuko uwä ñode; Nanaki Jesu uterak irit kehäromita biñam täñput yäj nadäjpäñ Nanaki tepi kubägän kome terak ño tewän äpuk. ^{10f} Bureni-inik, bänep iron täño mebäri-inik uwä ñode; Nintäjukun Anututa nadäj imikinik nämo täñkumäj. Nämo! Anututä jukun ninta nadäj nimikinik täñpäñ mominin ärut täñpän kukta nadäjpäñ Nanaki iniñ kireñkuk.

^x 4:2 1Ko 12:3 ^y 4:3 1Jo 2:18, 2Jo 7 ^z 4:4 Mat 12:29, 1Jo 5:4-5 ^a 4:5 Jon 15:19

^b 4:6 Jon 8:47 ^c 4:7 1Jo 2:29 ^d 4:8 1Jo 4:16 ^e 4:9 Jon 3:16 ^f 4:10 Rom 5:8-10, 1Jo 2:2

^{11 g} Notnaye, bureni, Anututä iron pähap ude täñ nimiñkuko unita äbot täñpani notniyeta udegän nadäñ yämikinik täne. ^{12 h} Nadäkañ? Äma kubätä Anutu nämoinik kañkuko upäñkañ nin notniye kowat nadäñ imän täk takamäñ unitä kwawak ñode niwoñäretak; Anutu u ninkät itkamäñ, ba Anutu-ken nanik bänep iron kädet bureni-inik u ninken itinik täyak.

^{13 i} Anututä iniken Munapiki nimiñkuko uterak bureni ñode nadäkamäñ; Anutu ninkät irirän nin udegän Anutu-kät it takamäñ. ^{14 j} Täñpäkañ Nanintä komen ämawebe yäpätagakta Nanaki iniñ kireñkuko u kañkumäñ. Kañkumäño unita mani biñam u yäñahäk takamäñ. ^{15 k} Unita ämawebe nadäkinikitä Jesu u Anutu täño Nanaki yäñ nadäñpäñ yäñahäk takäñ unita ñode nadäk takamäñ; Anututä ämawebe ukät irirän ämawebe u udegän Anutu-kät it takäñ. ^{16 l} Täñpäkañ Anututä ninta nadäñ nimikinik täk täyak u bureni-inik yäñ nadäñpäñ bänepnin täñ-kehäromtak takamäñ.

Bureni-inik, Anutu u bänep iron kädet täño mähe mi. Unita ämawebe bänep iron kädet bureni u iwat takäñ uwä Anutu-kät it takamäñ yäñ nadäneñ. Ba Anututä ninkät itinik täk täyak yäñ nadäneñ. ^{17 m} Nadäkañ? Anututä bänep iron käderi bänepnin-ken pewän ahäk täyak u iñit-inik täñpäñä kowata yäpmäk-yäpmäk kadäni pähap uken Anutu iñamiken nadäwätäk ikek nämö täga api itne. U mebäri ñodeta; Kome terak ñoken Jesu täño kädet kuroñ iwat takamäñ unita. ¹⁸ Täñpäkañ Anutu täño bänep iron kädet tokñeñpäñ pat täyak-ken umun kubä nämö itak. Imata, bänep iron kädet säkgämän unitä umun iwat kirek täyak. Upäñkañ umun täño mebäri uwä ñode; Kowata waki käwep api kañ-ahäwet yäñ nadäk takäñ unitä täñpewän umun pähap nadäk takäñ. Unita ñode nadäkamäñ; Äma umun ude täk takäñ uwä Anutu täño bänep iron kädet bänepi-ken pat imikinik nämö täyak. Nämoinik!

¹⁹ Täñpäkañ iron kädet iwat takamäñ u mebäri ñodeta iwat takamäñ; Anututä jukun nadäñ nimikinik täñkuko unita. ²⁰ Unita äma kubätä Näk Anututa gäripi-inik nadätat yäñ nadäñkañ noriyeta kokwawak nadäñpäñ kuñat täyak uwä jopman yäwani. Noripak dapuritä käwani unita gäripi nämö nadäñkañ jide täñpäñ Anutu dapuritä nämö käwani unita gäripi nadäwek? Nämoinik! ^{21 n} Täñpäkañ Jesutä jukuman ñode nimiñkuk; Äma kubätä Anututa gäripi nadäñpäñä äbot täñpani noriyeta udegän nadäñ yämek.

^g 4:11 Mat 18:33 ^h 4:12 Jon 1:18, 1Jo 2:5-6 ⁱ 4:13 2Ko 1:22, 1Jo 3:24 ^j 4:14 Jon 3:17
^k 4:15 1Jo 5:5 ^l 4:16 1Jo 4:8 ^m 4:17 1Jo 2:28 ⁿ 4:21 Mat 5:44-45; Mak 12:29-31

Anutu täjo nanakita nadäj imikinik man

5 ^{1°} Ämawebe Jesu u äma Anututä ämawebeniye täñkentäktä bian iwoyäwani wäpi Kristo ubayäj nadäkinik ude täk täkañ uwä Anutu täjo nanakiye bureni, Anututä ini bäyawani. Unita ämawebe Anutu Nanta gäripi nadäk täkañ uwä Nan täjo nanakiyeta udegän gäripi nadäj yämik täkañ. ²Täñkañ nin Anutu täjo nanakiyeta gäripi nadäk täkamäj yäj jop täga nämo yäne. Nämo, Anututa gäripi nadänpäj mani buraminero uyaku ude täga yäne. ^{3°} Bureni, Anututa gäripi nadänpäjä, mani buramine. Täñkañ nintä Anutu täjo jukumani u täga iwatnañi. U bäräpi nämo. ^{4°} Unitäjo mebäri ñode; Ämawebe Anutu täjo nanakiye bureni-inik itkañ u kuduptagän kome täjo kehäromi yäpmäj äpäktä kehäromi nitek itkañ. Täñkañ kehäromi uwä nadäkiniknin. Unitä kome täjo kehäromi yäpmäj äpäk täkamäj. ^{5°} Eruk, netätä kome täjo kehäromi täga yäpmäj äpneñ? Ämawebe Jesu u Anutu täjo Nanaki yäj nadäkinik ude täk täkañ u.

^{6°} Jesu Kristo uwä äma, ume ba nägät ikek äbuko u. Ume nikekgän nämo äbuk. Ume ba nägät ikek unitä äbuk. Ude täñirän Munapik, man bureni yäjahäwani unitä Man u bureni yäj yänpäj yäjahäk täyak. ⁷Ude unita imaka yaräkubätä Jesu täjo mebäri yäjahäk täkañ. ^{8°} Yaräkubä uwä ñode; Munapik ini, ume, ba nägät. Tänpäkañ yaräkubä uwä yäjmeham-meham tänpäj Jesu täjo mebärini kubägän yäjahäk täkañ. ^{9°} Tänpäkañ ämatä man yäjirä nadäj yämik täkañ. Upäñkañ Anutu u Anutu unita man bureni yäjahäk täyak. Täñkañ man bureni uwä äma täjo man irepmit morek täyak. Man bureni u Nanakita yäjahäk täyak. ^{10°} Unita äma Anutu täjo Nanakita nadäkinik täk täkañ uwä man bureni, Anututä yäjahäk täyak u bänepi-ken itinik täk täyak. Täñ, äma, Anutu täjo man unita nadäkinik nämo täk täkañ uwä Anutu uwä jopman yäwani yäj nadäk täkañ.

¹¹Täñkañ man bureni uwä ñode; Anututä irit kehäromita biñam nipmanpäñ itkamäj. Tänpäkañ irit kehäromi unitäjo mähemi u Nanaki ubayäj. ^{12°} Ämawebe Nanaki-kät kwasikotpäj kuñat täkañ uwä irit kehäromita biñam täk täkañ. Täñ, ämawebe Nanaki-kät nämo kwasikotpäj kuñat täkañ uwä irit kehäromita biñam nämo täk täkañ. Nämoinik!

° 5:1 1Jo 4:15 ° 5:3 Jon 14:15,23-24, 2Jo 6; Mat 11:30 ° 5:4 Jon 16:33 ° 5:5 Rom 8:37,
1Jo 4:4 ° 5:6 Jon 1:29-34 ° 5:8 Jon 15:26 ° 5:9 Jon 5:32-37; Jon 8:18 ° 5:10 Gal 4:6
° 5:12 Jon 3:36

Jukuman ätu

13^x Ämawebe Anutu täño Nanakita nadäkinik täk täkañ, inta man kudän ño mebäri ñodeta kudän täñpäj tamitat; Inä irit kehäromita biñam täkamäj yäj nadäwut yäjpäñ manbiñam ño kudän täñpäj tamitat. 14^y Täñpäkañ nin ñode nadäkamäj; Nin imaka Anututä gäripi nadäk täyak unita yäjapinawä, u bureni api nadäj nimek. Ude nadäk täkamäj unita Anutu dubiniken kuñkañ imaka kubä yäjapikta nämo umuntäne. 15 Nämo! Kadäni kadäni yäjapiñitna nadäj nimik täyak. Unita ñode bureni nadäkamäj; Imaka u ba unita yäjapik täkamäj uwä bureni nimik täyak.

16^z Täñpäkañ gäk äbot täñpani notkapak kubätä momi kumäkta biñam ikek nämo udewani täñjirän kañpäñä täñkentäj imikta Anutu-ken yäjapiwen. Yäjapiñiri Anututä momini peñ imiñpäñ irit säkgämän imek. Äma momi geñita biñam nimek udewani täk täkañ unita nämo yäyat. Nadäkañ? Momi kumäkta biñam ikek kubägän itak unita äma momi u täñpani täñkentäj imikta Anutu-ken nämo yäjapiwen. 17 Kädet wakiwaki u kudup momi ubayäj. Täñ, momi ätu kumäkta biñam nimek nämo.

18^a Nin ñode nadäkamäj; Anutu täño nanakiye burenitä gwäk pimiñpäñ momi nämo täk täkañ. Nämoinik, Anutu täño Nanaki Jesutä watäni it yämiñjirän Täñpäwak Mähemitä äma u täga nämo däpek. 19^b Täñpäwak Mähemitä kome pähap ño kañiwat täyak upäñkañ ninä Anututa biñam bureni itkamäj yäj nadäk täkamäj. 20^c Täñkañ ñode nadäk täkamäj; Anutu täño Nanakitä äbä nadäk-nadäknin täño yäma dät nimiñkuko unita Anutu Bureni-inik it nimitak yäj nadäk täkamäj. Täñpäñ Anutu Bureni ba Nanaki Jesu Kristo-kät kwasikotpäñ kuñat täkamäj. Uwä Anutu Bureni-inik, Irit Tärek-täreki nämo unitäño mähemi.

21^d Unita nanaknaye, in anutu jopita mäde ut yämiñpäñ yabäj umuntañ päñku injingän it täkot. Ugän.

^x 5:13 Jon 20:31 ^y 5:14 Jon 14:13, 16:23, 1Jo 3:21-22 ^z 5:16 Mat 12:31 ^a 5:18 1Jo 3:9; Jon 17:5 ^b 5:19 1Jo 4:6 ^c 5:20 Jon 17:3 ^d 5:21 1Ko 10:14